

Broj: 05-02-80-49/2022-10-1  
Sarajevo, 02.11.2022. godine

Na osnovu člana 70. st. (1) i (4), a u vezi sa članom 69. stav (2) tačka d) Zakona o javnim nabavkama („Službeni glasnik BiH”, br. 39/14 i 59/22), a na prijedlog Komisije za javne nabavke, imenovane Rješenjem, broj: 05-30-81-R-18/2022 od 12.09.2022. godine, sekretar Vlade Federacije Bosne i Hercegovine, d o n o s i

**ODLUKU**  
**O PONIŠTENJU POSTUPKA JAVNE NABAVKE ROBA –**  
**NABAVKA KOMPJUTERSKE OPREME I KANCELARIJSKIH MAŠINA ZA POTREBE**  
**GENERALNOG SEKRETARIJATA VLADE FEDERACIJE BOSNE I HERCEGOVINE**  
**(LOT 2 – NABAVKA ROBA – KANCELARIJSKE MAŠINE)**

**I**

Poništava se postupak javne nabavke: Konkurentski zahtjev za dostavu ponuda za javnu nabavku roba – nabavka kompjuterske opreme i kancelarijskih mašina za potrebe Generalnog sekretarijata Vlade Federacije Bosne i Hercegovine (LOT 2 – kancelarijske mašine), evidencijski broj nabavke: 05-02-80-49/2022-1, broj Obavještenja o nabavci sa portala javnih nabavki: 854-7-1-101-3-17/22 od 14.09.2022. godine, jer jedina dostavljena ponuda nije prihvatljiva.

**II**

Ova odluka stupa na snagu danom donošenja i objavit će se na web stranici Vlade Federacije Bosne i Hercegovine - Generalnog sekretarijata Vlade Federacije Bosne i Hercegovine, u skladu sa članom 70. stav (6) Zakona o javnim nabavkama, istovremeno s upućivanjem iste ponuđaču koji je učestvovao u predmetnom postupku javne nabavke.

**Obrazloženje**

Postupak nabavke pokrenut je Odlukom o pokretanju postupka javne nabavke, broj: 05-02-80-49/2022 od 12.09.2022. godine. Javna nabavka provedena je putem Konkurentskog zahtjeva za dostavu ponuda. Predmet nabavke podijeljen je na dva LOT-a, čija je ukupna procijenjena vrijednost nabavke iznosila 23.000,00 KM. Ukupna procijenjena vrijednost nabavke za LOT 2 iznosila je 18.500,00 KM bez PDV-a. Obavijest o nabavci poslana je na objavu 14.09.2022. godine, te je istog dana objavljena na portalu Javnih nabavki pod brojem: 854-7-1-101-3-17/22.

Tendersku dokumentaciju preuzelo je 26 (dvadesetšest) privrednih subjekata, a 1 (jedan) ponuđač blagovremeno je dostavio ponudu u predmetnom postupku nabavke za LOT 2. U skladu sa provedenim predmetnim postupkom javne nabavke, ponudu za LOT 2 dostavio je ponuđač EMADO d.o.o. Sarajevo.

Komisija za javne nabavke, imenovana Rješenjem, broj: 05-30-81-R-18/2022 od 12.09.2022. godine, izvršila je pregled i ocjenu pristigle ponude, te konstatovala da je ponuda ponuđača EMADO d.o.o. Sarajevo neprihvatljiva.

Ponuda ponuđača EMADO d.o.o. Sarajevo, odbačena je kao neprihvatljiva iz sljedećeg razloga: U Tenderskoj dokumentaciji, broj: 05-02-80-49/2022-1 od 14.09.2022. godine, u Aneksu 3A – obrazac za cijenu ponude – robe (kancelarijske mašine), u rubrici Napomene uz Aneks 3a, tačka 6. propisano je: Ponuđač je obavezan dostaviti i detaljnu tehničku dokumentaciju za ponuđenu robu iz koje se vidi proizvođač, model i detaljna tehnička specifikacija ponuđenih roba. Komisija je prilikom evaluacije Ponude konstatovala da je Ponuđač u Obrascu za cijenu ponude – robe (kancelarijske mašine) - Aneks 3a, u rubrici *Naziv proizvođača* naveo naziv proizvođača, ali nije dostavio detaljnu tehničku dokumentaciju za ponuđenu robu iz koje se vidi proizvođač, model i detaljna tehnička specifikacija ponuđenih roba.

Nakon izvršenog pregleda i ocjene ponude, Komisija je dostavila sekretaru Vlade Federacije Bosne i Hercegovine Zapisnik o pregledu i ocjeni ponuda, broj: 05-02-80-49/2022-10 od 31.10.2022. godine zajedno sa Preporukom za donošenje odluke o poništenju postupka za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjele ponude, shodno kriterijima iz Tenderske dokumentacije.

S obzirom da primljena ponuda nije prihvatljiva ispunjeni su uvjeti za poništenje predmetnog postupka nabavke, u skladu sa članom 69. stav (2) tačka d) Zakona.

Uzimajući u obzir naprijed navedeno, a shodno članu 69. stav (2) tačka d) Zakona o javnim nabavkama, odlučeno je kao u dispozitivu ove odluke.

#### **POUKA O PRAVNOM LIJEKU:**

Protiv ove odluke ponuđač koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem Ugovornog organa – Generalnog sekretarijata Vlade Federacije Bosne i Hercegovine u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke.



Dostaviti:

1. Ponuđač u postupku
2. Sektoru za pravne i opće poslove
3. Sektoru za materijalno-finansijske poslove
4. Komisiji za javne nabavke
5. a/a